



Údarás Craolacháin na hÉireann

**Achoimre ar Aighneachtaí Spéise chun
Seirbhísí Craolacháin Fuaime Tráchtála
Analóige Nua a Sholáthar**

Aibreán 2018

1. Réamhrá

Chuir Údarás Craolacháin na hÉireann (an BAI) tús lena athbhreithniú ar a Straitéis um Sheirbhísí Craolacháin in 2017 agus, mar chuid den athbhreithniú sin, chuir sé fáilte roimh aighneachtaí ó pháirtithe ar spéis leo seirbhísí craolacháin fuaimne tráchtála a sholáthar. Ba é cuspóir na n-aighneachtaí seo faisnéis ríthábhachtach a chur ar fáil mar thacaíocht le hanailís chomhshaoil agus eacnamaíoch an BAI ar an margadh in Éirinn inniu, a bhí mar bhonn agus taca ina dhiaidh sin le forbairt an BAI ar an Dréachtstraitéis um Sheirbhísí Craolacháin.

Tá Dréachtstraitéis um Sheirbhísí Craolacháin réitithe anois ag an BAI agus tá siad ag tabhairt faoi chomhairliúchán poiblí ón 24 Aibreán go dtí an 19 Meitheamh 2018. Tugtar roinnt cúlra leis an athbhreithniú ar an Straitéis sa cháipéis seo agus tugtar achoimre ar na haighneachtaí spéise a fuair an BAI.

2. Athbhreithniú ar Straitéis um Sheirbhísí Craolacháin an BAI

Cuirtear creat ar fáil sa Straitéis um Sheirbhísí Craolacháin chun pleananna ceadúnaithe agus gníomhaíochtaí lena mbaineann de chuid an BAI a cheapadh. Leagtar amach an ceanglas do Straitéis in Alt 26 (1) (a) den Acht Craolacháin 2009 agus ceanglaíonn sé ar an BAI *“straitéis a ullmhú i dtaca le seirbhísí craolacháin a sholáthar sa Stát, de bhreis ar na seirbhísí sin a sholáthraíonn RTÉ, TG4 agus aon seirbhísí teilifíse eile a d’fhéadfadh Tithe an Oireachtais agus Bealach Scannán na hÉireann a sholáthar amach anseo”*.

Forbraíodh an Straitéis reatha in 2011, foilsíodh í i Márta 2012 agus ceapadh í i gcomhthéacs Ráiteas Straitéise 2011-2013 an BAI. Tá athrú suntasach tagtha ar thimpeallacht na meán san am seo agus, d’eisigh an BAI Ráiteas Straitéise nua don tréimhse 2017-2019 freisin. Áirítear leis na spriocanna straitéiseacha sa Ráiteas nua *éagsúlacht agus iolracht a chur chun cinn agus nuálaíocht agus inbhuanaitheacht earnála a bhreisiú*. Príomhrud is féidir a bhaint amach sa Ráiteas nua is ea *“Straitéis um Sheirbhísí Craolacháin athbhreithnithe a fhorbairt agus a fhorfheidhmiú ina leantar ag éascú beartas agus pleananna ceadúnaithe dinimice agus a chuireann chun cinn clár as Gaeilge”*.

Le tacú le forbairt Straitéis um Sheirbhísí Craolacháin athbhreithnithe, choimisiúnaigh an BAI tuarascáil taighde ar struchtúr, dinimic agus forbairtí an mhargaidh i meán na hÉireann, a rinne an chuideachta taighde, Mediatique Limited. Chuidigh suirbhé ar thomhaltóirí maidir le príomhriachtanais agus sainroghanna lucht éisteachta na hÉireann agus aighneachtaí ó pháirtithe leasmhara i soláthar seirbhísí raidió tráchtála FM analógacha nua leis an taighde.

Chuir an BAI gairm ar aighneachtaí spéise chun seirbhísí craolacháin fuaimne tráchtála nua a sholáthar ó Mheitheamh go Lúnasa 2017. Bhí an ghairm oscailte do mholtaí maidir le cineál na seirbhíse/seirbhísí a bhí le cur ar fáil agus na réimsí a ndéanfadh na seirbhísí breise freastal orthu. Lorgaíodh na haighneachtaí chun críocha taighde agus faisnéise amháin. Rinneadh breith ar na haighneachtaí a fuarthas i rith an tionscadail taighde ó Lúnasa go Nollaig 2017 agus aird chuí ar an gcáilíocht, raon agus cineál clár a bhí le soláthar agus go háirithe, an méid a chuirfeadh an tseirbhís nua le héagsúlacht na seirbhísí in aon réimse ar leith.

Áirítear sa tuarascáil taighde críochnaithe *‘Tuarascáil ar struchtúr, dinimic agus forbairtí an mhargaidh i meán na hÉireann’* breithniú ar na haighneachtaí a fuarthas.

3. Achoimre ar na hAighneachtaí Spéise a Fuarthas

Fuair an BAI 18 bhfreagra as a ngairm ar aighneachtaí spéise chun seirbhísí craolacháin fuaimne tráchtála nua a sholáthar. Bhain deich bhfreagra le soláthar seirbhísí nua raidió, bhan trí fhreagra le mionathruithe ar sheirbhísí reatha. Bhain an 13 aighneacht seo ar fad le seirbhísí craolacháin fuaimne dírithe ar cheol agus déantar achoimre orthu sa tábla thíos. Bhí breithnithe sna 5 fhreagra eile ar an earnáil chraolacháin reatha.

Tograí Seirbhíse Nua

Moladh sna 10 n-aighneacht go mbeadh seirbhísí nua dírithe ar cheol éagsúil ó thaobh cineáil agus saincheadúnais. Chuige seo, baineann trí aighneacht le réimse saincheadúnais náisiúnta, nach bhfuil indéanta faoi láthair ó dhearcadh teicniúil de. Seirbhísí nideoige iad seo agus tá siad an-éagsúil óna chéile.

Tá seirbhís nua amháin beartaithe i gcomhair Co. Chill Mhantáin, seirbhís ceoil don óige. Baineann dhá sheirbhís eile le réigiúin chontae, a bhfuil clúdach leath de mhargadh náisiúnta na hÉireann ag baint leo. Baineann na trí sheirbhís eile le ceantair ilchathrach agus/nó ceantair ilchathrach/uirbeacha móra. Is fiú a thabhairt faoi deara go moltar lánas dírithe ar cheol tíre/Éireannach i gceithre cinn de na seirbhísí seo. Tá cumas níos mó do chlúdach teicniúil na réimsí saincheadúnais beartaithe seo.

Mionathruithe ar Sheirbhísí Reatha

Baineann trí cinn de na haighneachtaí a fuarthas le mionathruithe ar chonarthaí reatha. Chuige seo, tá na trí cinn ar fad ag iarraidh a réimsí saincheadúnais faoi seach a mhéadú, agus tríd sin an lucht éisteachta féideartha a mhéadú.

Breithnithe

Sna cúig aighneacht nár éilíodh seirbhísí nua iontu, éilíodh go mbeifí cúramach mar gheall ar na dúshláin agus achran reatha sa mhargadh agus lorgaíodh freisin go gcuirfí deireadh leis an tobhach craolacháin. Tharraing aighneacht amháin aird ar an ról tábhachtach is féidir leis an raidió pobail a bheith aige chun cuidiú leis an BAI a chuspóirí luaite a bhaint amach. Iarradh in aighneacht eile go dtabharfadh an BAI cuóta 60% do cheol Éireannach isteach ar sheinnliostaí do stáisiúin raidió na hÉireann.

Chuir an BAI na freagróirí féideartha ar fad ar an eolas go mbeadh na haighneachtaí ar fad oscailte lena scrúdú san athbhreithniú ar an Straitéis agus go gcuirfí ar fáil do thaighdeoirí an BAI iad.

Tábla Achoimre – Seirbhísí Nua Beartaithe agus Mionathruithe ar Sheirbhísí Reatha

Uimh.	Seirbhís Bheartaithe	Réimse Saincheadúnais	Sprioc-lucht Éisteachta
1	Stáisiún ceoil 24 uair an chloig don óige. Bheadh na cláir chainte éadrom agus spraíúil. Nuacht reatha faoin nGaeilge/faoi phobal na Gaeilge.	Náisiúnta (bheadh Tuaisceart Éireann san áireamh laistigh de thrí bliana).	12-30 bliain
2	Stáisiún 24 uair an chloig le meascán de shiamsaíocht, ceol agus caint. Béim ar spraoi, dearfach agus suáilceach.	Náisiúnta	25-54 bliain
3	Stáisiún ceoil 24 uair an chloig. Dírithe ar cheol comhaimseartha agus tíre, béim ar ealaíontóirí Meiriceánacha agus Éireannacha	Cathracha Bhaile Átha Cliath, Chorcaí, Luimnigh, na Gaillimhe agus Phort Láirge.	35+

Uimh.	Seirbhís Bheartaithe	Réimse Saincheadúnais	Sprioc-lucht Éisteachta
	(seanbhunaithe agus nua). Roinnt clár cainte siamsaíochta éadroma.		
4	Stáisiún ceol tíre 24 uair an chloig do gach aoisghrúpa	80% de Chontae na Gaillimhe agus Contae Luimnigh, Tuaisceart Chiarraí, Contae Thiobraid Árann agus Contae an Chláir	Daoine ar spéis leo ceol tíre – gach aois
5	Ceol malartach	Cathair agus Contae Bhaile Átha Cliath, Cathair agus cuid de Chontae Chorcaí, Cathair agus cuid de Chontae Luimnigh agus Cathair agus cuid de Chontae na Gaillimhe (fiosrófar soláthar do cheantair uirbeacha eile)	25-54 bliain
6	Stáisiún ceol tíre 24 uair an chloig. Ceol tíre clasaiceach agus comhaimseartha le haschur mór de cheol tíre Éireannach.	Cathair agus Contae Bhaile Átha Cliath, Iarthuaisceart agus Lár tíre/Oirthuaisceart	35+
7	Ceol comhaimseartha 24 uair an chloig dírithe ar lucht éisteachta óg. Popcheol agus siamsaíocht a bhaineann le lucht éisteachta óg.	Contae Chill Mhantáin	15-34 bliain
8	Stáisiún ceoil Éireannach 24 uair an chloig. Meascán de cheoltóirí ceol tíre, comhaimseartha, clasaiceach agus Éireannach nua. Tá clár chainte dírithe ar chultúr agus taithí na hÉireann.	Ceatharlach, Cill Dara, Cill Chainnigh, Laois, Liatroim (theas), an Longfort, Lú, an Mhí, Uíbh Fhailí, Ros Comáin, Tiobraid Árann agus an Iarmhí.	45+
9	Stáisiún rac-cheoil 24 uair an chloig. Meascán de rac príomhshrutha, clasaiceach agus fásta. Idir 20-30% de cheol Éireannach.	Cathair, Contae agus crios comaitéireachta Bhaile Átha Cliath, Cathair agus cuid de Chontae Chorcaí, Cathair agus cuid de Chontae Luimnigh, Cathair agus cuid de Chontae na Gaillimhe, Cill Chainnigh/Ceatharlach, an tOirthuaisceart, Lár tíre, an tOirdheisceart	25+
10	Stáisiún náisiúnta 24 uair an chloig dírithe ar cheol uirbeach. Dírithe ar lucht éisteachta níos sine le ceol ó na 50idí-80idí. Breathnófar siar ar na blianta seo sna cláir.	Cathair, contae agus crios comaitéireachta Bhaile Átha Cliath, Corcaigh, Luimneach, Gaillimh, Port Láirge, Droichead Átha, Dún Dealgan, an Uaimh, Loch Garman, Cill Chainnigh, Ceatharlach agus Baile Átha Luain (soláthar do cheantair eile thar thrí bliana)	55+
11	Stáisiún ceoil 24 uair an chloig. Ceol ó na 60idí go dtí an lá atá inniu ann. Clár chainte	Cathair, Contae agus crios comaitéireachta Bhaile Átha Cliath, Cathair agus Contae Chorcaí, Cathair agus Contae Luimnigh, Cathair agus	40+

Uimh.	Seirbhís Bheartaithe	Réimse Saincheadúnais	Sprioc-lucht Éisteachta
		Contae na Gaillimhe, Baile Átha Luain, Port Laoise, Sligeach, Dún Dealgan agus Droichead Átha	
12	Stáisiún ceoil 24 uair an chloig. Dírithe ar cheol traidisiúnta na hÉireann agus ar cheol tíre. Lánas dírithe ar dhaoine faoin tuath in Éirinn nó a chónaíonn ann.	Náisiúnta	26-65 bliain
13	Récheol	Cathair agus Contae Chorcaí, Cathair agus Contae Luimnigh, Cathair agus Contae na Gaillimhe, Cathair Phort Láirge, Cathair Chill Chainnigh	15+

--CRÍOCH--